

弄玉歌清律飛瓊舞散花乾坤一色散銀霞何處是仙家 表  
裏纖塵不立呈似太虛消息晃然高下盡玲瓏神鬼覓無蹤

### 蘇幕遮

少追陪稀赴會本分隨緣一任人憎愛勘破前程生死大自究  
元初晝夜休交昧 不粧高不捏怪卓爾身心動止俱無礙羸  
得逍遙長自在行滿功成定是超三界

### 重陽祖師開道碑

原夫至道出自先天太上卓爾立其宗累聖襲而張其後靈源  
妙本既發而不蒙幽榘之關大開而弗閉從此設教代不乏人  
然而順世汙隆乘時步驟去聖逾遠靈光不屬波瀾旣蕩異派

### 道藏輯要

雲山集

三

又易集六

爭流枝葉方聯而紛華競出散無名之太樸遺罔象之玄珠忘  
本迷源隨聲逐色正塗壅底道闡荒涼由是聖人復起究天元  
一氣之初洪造更新應歷數萬靈之會天挺神授而力振頽綱  
祖建宗承而載維新紐棄華摭實援溺導迷革弊鼎新而玄關  
復啓焉重陽祖師乃其人也姓王氏諱嘉字知明道號重陽子  
本京兆咸陽人骨相魁梧神襟逸邁冥通廣漠密契參寥智徹  
真源行超法海大量以虛無爲體骸屋非干玄功與造化爲儔  
情塵頓息破幻如摧枯拉朽斷疑如碎菌拔茅穩掛洪鐘高懸  
寶鑿眞自甘河之遇密授神丹靈從酌水之通衝開智藏是以  
性天凝寂覺海汪洋塊坐南時淵默之雷聲忽震鳥飛劉蔣圓